

Bosna i Hercegovina  
Federacija Bosne i Hercegovine  
KANTON SARAJEVO  
OPĆINA HADŽIĆI  
Općinsko vijeće  
- Komisija za odlikovanja i  
općinska priznanja -



Broj: 01-04-2-53/2020  
Hadžići, 06.01.2020. godine

Na osnovu člana 7. Odluke o utvrđivanju priznanja i nagrada Općine Hadžići („Službene novine Kantona Sarajevo“, broj: 1/14), a u skladu sa Pravilnikom o kriterijima i mjerilima za dodjelu općinskih priznanja broj: 01-01-2-10850/2013, Komisija za odlikovanja i općinska priznanja objavljuje

### **JAVNI POZIV za predlaganje kandidata – kolektiva i pojedinaca za dodjelu Općinskih priznanja**

#### **I**

Komisija za odlikovanja i općinska priznanja u skladu sa Odlukom o utvrđivanju priznanja i nagrada Općine Hadžići objavljuje Javni poziv za predlaganje kandidata – kolektiva i pojedinaca za dodjelu Općinskih priznanja:

1. Šestomartovska plaketa - jedna kolektivna i dvije pojedinačne
2. Zahvalnica Općine Hadžići - do tri kolektivne i do tri pojedinačne.

#### **II**

Prijedlog za dodjelu priznanja mogu podnijeti privredna društva, političke partije, mjesne zajednice, ustanove, udruženja kao i drugi organi i organizacije koji imaju sjedište na području općine Hadžići, te pojedinci koji imaju prebivalište na području općine Hadžići.

#### **III**

Priznanja se dodjeljuju kolektivima i pojedincima sa područja općine Hadžići za postignute rezultate u svim oblastima privrednog i društvenog života.

#### **IV**

Prijedlozi se podnose u pisanoj formi i sadrže:

- podatke o podnosiocu prijedloga
- vrstu priznanja za koju se kandidat predlaže
- podatke o kandidatu za dodjelu priznanja (za kolektive: naziv, adresa, osnovni podaci o njegovom djelovanju; za pojedince: ime i prezime, adresa, biografija)
- obrazloženje prijedloga uz odgovarajuću relevantnu dokumentaciju.

Prijedlog iz stava 1. podnosi se Komisiji za odlikovanja i općinska priznanja.

#### **V**

Kriteriji za dodjelu priznanja općine Hadžići su:

##### **1. Šestomartovska plaketa Općine**

a) Kolektivima koji su u prethodnim godinama:

- postigli odnosno ostvarili značajne rezultate u radu,
- zaposlili veći broj novih radnika,
- investirali u proizvodnju i proširili proizvodni kapacitet,
- postigli značajne rezultate u oblasti privrede, nauke, kulture, sporta, obrazovanja, socijalne zaštite i sigurnosti, razvoju komunalne infrastrukture, zaštite radnih i

prirodne sredine, razvoju amaterizma i sličnih oblasti koje je imalo odraza na razvoj društvene zajednice,

- postigli odnosno ostvarili značajne rezultate u radu, značajno doprinijeli u otklanjanju elementarnih i ekoloških nepogoda koje eventualno zadese društvenu zajednicu.

b) Pojedincima koji su u prethodnim godinama:

- svojim radom i zalaganjem postigli značajne rezultate i na takav način doprinijeli unapređenju rada kolektiva i društvene zajednice,
- svojim radom u oblasti privrede, nauke, kulture i obrazovanja doprinijeli afirmaciji Općine Hadžići,
- svojim radom i zalaganjem doprinijeli razvoju lokalne samouprave i poboljšali uvjete života i rada u društvenoj zajednici,
- značajno doprinijeli u otklanjanju elementarnih i ekoloških nepogoda koje eventualno zadese društvenu zajednicu,
- značajno doprinijeli razvoju amaterizma, promociji humanizma i volonterizma.

## 2. Zahvalnica Općine Hadžići

a) Kolektivima i pojedincima koji su u prethodnim godinama:

- imali pravilan i korektan odnos prema građanima u ostvarivanju njihovih prava,
- doprinijeli poboljšanju uvjeta života i rada u lokalnim zajednicama,
- postigli inovatorski uspjeh na tehničkom i drugom unapređenju,
- doprinijeli uspješnom razvoju lokalne samouprave,
- postigli uspjeh u proizvodnji hrane,
- iskazali nesebičnost i hrabrost,
- dali izuzetan doprinos u oblasti sporta, kulture, ekologije, obrazovanja i drugih sfera društvenog djelovanja.

### VI

Javni poziv za predlaganje kandidata – kolektiva i pojedinaca za dodjelu Općinskih priznanja objavit će se na web - stranici Općine Hadžići i na oglasnoj ploči Općine Hadžići.

### VII

Prijedlozi za dodjelu Općinskih priznanja podnose se na obrascu koji je sastavni dio ovog poziva.

### VIII

**Rok za podnošenje prijedloga je PETAK, 31.01.2020. godine.**

**Prijedlozi pristigli poslije isteka roka, nepotpuni i neuredni prijedlozi neće se razmatrati.**

### IX

Prijedlozi sa naznakom „Javni poziv za dodjelu općinskih priznanja - Komisija za odlikovanja i općinska priznanja“ dostavljaju se na protokol u zgradi Općine Hadžići, ul. Hadželi broj: 114 ili putem pošte na adresu:

**OPĆINA HADŽIĆI**

**Hadželi 114**

**71240 Hadžići**

Sa naznakom „Javni poziv za dodjelu općinskih priznanja – Komisija za odlikovanja i općinska priznanja“.

Kontakt telefon: 033 475 912.

**PREDSJEDNIK**

Komisije za odlikovanja i općinska priznanja

Mirsad Telarević